

O B A V I J E S T
o pozivu za nominovanje kandidata za UN Komitet za ljudska prava

Putem Stalne misije Bosne i Hercegovine pri Ujedinjenim narodima u Njujorku dostavljeno je pismo Generalnog sekretara UN-a kojim se oglašava poziv za nominovanje kandidata za izbor u UN Komitet za ljudska prava.

U dopisu Stalne misije se navodi da će se izbori za devet članova za Komitet za ljudska prava za period 2017-2020 **održati 14.06.2018.godine** u Njujorku na 36. sastanku država potpisnica Međunarodne konvencije o civilnim i političkim pravima (ICCPR).

Rok za nomonovanje kandidata je 09.04.2018. godine.

Naime, Odbor za ljudska prava se sastoji od 18 nezavisnih stručnjaka visokih moralnih kvaliteta i priznate stručnosti u oblasti ljudskih prava, vodeći računa o korisnosti učešća više osoba koje imaju pravno iskustvo (član 28. Pakta).

Članovi se biraju na mandat od četiri godine od strane država stranaka iz redova svojih državljana, vodeći računa o pravičnoj geografskoj zastupljenosti i zastupljenosti raznih oblika kultura, kao i glavnih pravnih sistema, u skladu sa članom 31. Pakta.

U skladu sa članom 3. Odluke o postupku imenovanja veleposlanika i drugih međunarodnih predstavnika Bosne i Hercegovine ("Službeni glasnik BiH", broj 30/13) pored kriterija koje propisuju međunarodne organizacije i institucije, za veleposlanika ili drugog predstavnika Bosne I Hercegovine može bit iimenovana osoba koja ispunjava sljedeće uslove:

- a) *da je državljanin Bosne i Hercegovine;*
- b) *da ima fakultetsku diplomu, odnosno da ima odgovarajući nivo obrazovanja i odgovarajuće stručno znanje i iskustvo za obavljanje dužnosti na koju se imenuje;*
- c) *da je afirmirani radnik u diplomatskoj službi Bosne i Hercegovine, odnosno da je istaknuti politički, privredni, javni ili naučni radnik, koji je dao značajan doprinos Bosni i Hercegovini i vrlo aktivno radi na jačanju međunarodnog subjektiviteta i ugleda Bosne i Hercegovine u svijetu;*
- d) *da ima znanje engleskog ili jednog od drugih službenih jezika Ujedinjenih naroda ili drugih jezika članica zemalja Europske unije;*
- e) *da se ne vodi krivični postupak protiv te osobe;*
- f) *da nije obuhvaćena odredbom članka IX.1 Ustava Bosne i Hercegovine.*

Znanje više stranih jezika uzima se u obzir pri odabiru kandidata kao dodatni kvalitet.

Detaljne informacija, kao i potrebni obrazci za prijavu su dostupni na web stranici <http://ohchr.org/en/hrbodies/ccpr/pages/elections36th.aspx>

Molimo da eventualne prijedloge nominacija, sa potrebnim obrazcima, dostavite najdalje do **30.03.2018. godine** na e-mail adresu: ajla.nanic@mhr.gov.ba, kako bi iste mogli proslijediti Ministarstvu vanjskih poslove Bosne i Hercegovine.